




**ԿԸՀ 2019 թ. Հայաստանի և տարածաշրջանի այլ երկրների արդյունքները**

**Հայաստանի** ԿԸՀ 2019 թ. արժեքը հավասար է **42**-ի (սախտորդ տարվա համեմատ աճը կազմել է 7 միավոր), իսկ ստանդարտ սխալի չափը՝ 4.31-ի: Գծապատկեր 1-ում ներկայացված են Հայաստանի ԿԸՀ արժեքները 2012-ից մինչև 2019 թ. ընկած ժամանակահատվածում:

**Գծապատկեր 1.**



180 երկիր ներառող ԿԸՀ դասակարգման 2019 թ. արդյունակում Հայաստանը **Բահրեյնի** և **Սողոմոնյան կղզիների** հետ կիսում է **77-ից 79-րդ տեղերը**: 2018 թ. ԿԸՀ համաթվի 35 միավորով Հայաստանը կրկին 180 երկրների շարքում կիսում էր **105-ից 113-րդ տեղերը**: Թրանսփարենսի Ինթերնեշնլի տարածաշրջանային բաժանմամբ Հայաստանը շարունակում է ներառված մնալ **Արևելյան Եվրոպա -Կենտրոնական Ասիա** տարածաշրջանի մեջ: Աղյուսակ 1-ում բերված է Արևելյան Եվրոպա -Կենտրոնական Ասիա տարածաշրջանի 2019 թ. ԿԸՀ դասակարգման արդյունակը: Այդ տարածաշրջանի մեջ ներառված են՝ բալկանյան երկրներից՝ **Չեռնոգորիան, Սերբիան, Բոսնիա և Հերցեգովինան, Ալբանիան, Հյուսիսային Մակեդոնիան** և **Կոսովոն**, Նախկին խորհրդային հանրապետությունները՝ բացի ԵՄ անդամ բալթյան հանրապետություններից, ինչպես նաև **Թուրքիան**:

**Աղյուսակ 1.**



Երկրի դիրք	Երկիր	2019 թ. ԿԸՀ արժեքը	Աղբյուրների թիվը	AFDB	BF (SGI)	BF (TI)	EIU	FH	GI	IMD	PERC	PRS	VDEM	WB	WEF	WJP
44	Վրաստան	56	5			53		50	47				68			61
66	Բելառուս	45	7			37	55	33	47			32	49			60
66	Չեռնոգորիա	45	5			53		47	47				26		51	
77	Հայաստան	42	6			45		39	47			32	32		60	
91	Սերբիա	39	8			45	37	53	35			32	35		40	35
91	Թուրքիա	39	9		26	37	37		47	45		41	25		57	38
101	Բոսնիա և Հերցեգովինա	36	7			37	37	44	35				32		29	40
101	Կոսովո	36	5			37		36	35				39	35		
106	Ալբանիա	35	8			37	37	42	35			41	20		37	28
106	Հյուսիսային Մակեդոնիա	35	7			41	20	47	35				28		32	42
113	Ղազախստան	34	9			33	20	24	35	55		43	17		47	36
120	Մոլդովա	32	9			29	37	33	47			32	21	27	30	30
126	Ադրբեջան	30	7			29	20	21	35			24	10		69	
126	Ղրղզստան	30	7			37		30	35				17	35	26	28
126	Ուկրաինա	30	9			41	20	36	22	31		36	23		30	34
137	Ռուսաստան	28	9			29	20	24	22	37		24	21		38	36
153	Տաջիկստան	25	6			17		21	22				13	18	57	
153	Ուզբեկստան	25	7			29	20	21	22				22	27		35
165	Թուրքմենստան	19	5			17	20	21	22				15			


Ինչպես երևում է աղյուսակից, տարածաշրջանի 19 երկրների շարքում Հայաստանը զբաղեցնում է 4-րդ տեղը (2018 թ. նա զբաղում էր 10-րդ տեղը): Այս տարածաշրջանում Հայաստանը, ինչպես և 2018-ին, նախկին խորհրդային հանրապետություններից զիջում է **Վրաստանին** և **Բելառուսին**, որոնց ԿԸՀ 2019 թ. համաթվերի արժեքներն են, համապատասխանաբար, 56 (զբաղեցնում է 44-ից 47-րդ տեղերը՝ ամենաբարձր տարածաշրջանում) և 45 (66-ից 69-րդ տեղեր՝ երկրորդ տարածաշրջանում):



Ինչ վերաբերում է իր հարևան երկրներին, ապա Հայաստանն այժմ զիջում է միայն **Վրաստանին**՝ առաջին անգամ առաջ անցնելով **Թուրքիայից**, որի 2019 թ. ԿԸՀ համաթվի արժեքը հավասար է **39-ի** (91-ից 92-րդ տեղեր): Ինչպես և նախկինում, Հայաստանն առաջ է մյուս երկու հարևաններից՝ **Ադրբեջանից** (30 միավոր՝ 126-ից 129-րդ տեղեր) և **Իրանից** (26 միավոր՝ 146-ից 152-րդ տեղեր): Գծապատկեր 2-ում ներկայացված են Հայաստանի և իր հարևան երկրների ԿԸՀ 2012-2019 թթ. արժեքները:

**Գծապատկեր 2.**

**ՀԱՅԱՍՏԱՆԻ ԵՎ ԻՐ ՀԱՐԵՎԱՆ ԵՐԿՐՆԵՐԻ  
2012-2019ԹԹ. ԿԸՀ ԱՐԺԵՔՆԵՐԸ**



Բելառուսից բացի, ԵԱՏՄ անդամ մյուս երկրների ԿԸՀ արժեքները շարունակում են ցածր մնալ Հայաստանի ԿԸՀ արժեքից: Մասնավորապես, **Ռուսաստանի** 2019 թ. ԿԸՀ արժեքը, ինչպես և 2018-ին, **28** միավոր է (137-ից 145-րդ տեղեր), **Ղրղզստանինը**՝ **30** (126-ից 129-րդ տեղեր), իսկ **Ղապախստանինը**՝ **34** միավոր (113-ից 118-րդ տեղեր): Գծապատկեր 3-ում բերված են Հայաստանի և ԵԱՏՄ մյուս երկրների ԿԸՀ 2012-2019 թթ. արժեքները:



Գծապատկեր 3

**ՀԱՅԱՍՏԱՆԻ ԵՎ ԵԱՏՄ ՄՅՈՒՄ ԵՐԿՐՆԵՐԻ  
2012-2019ԹԹ. ԿԸՅ ԱՐԺԵՔՆԵՐԸ**

